



Publicaziuns dalla vischnaunca, jamna 50

Damonda da baghegiar

2021-1085.000

Datum dalla publicaziun: 17 da december 2021

Il patrun: Valentin Bisquolm-Flepp, Via da Scola 7.1, 7180 Disentis/Mustér
Il representant: Valentin Bisquolm-Flepp, Via da Scola 7.1, 7180 Disentis/Mustér
Object: Midada da diever digl edifices nr. 544, sutparcellar ina part dalla parcella 327, Plaun Madernal, 7180 Disentis/Mustér

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 17 da december 2021

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2020-1042.000

Rui Palancaus GmbH, Via Cons 5, 7180 Disentis/ Mustér; niev baghetg da mistregn (en fuorma da containers travestgi) e nova seiv entuorn igl areal, parcella 3960, Via Raveras 36, 7180 Disentis/Mustér.

Nr. 2021-1014.000

F. und A. Berther GmbH, Via Foppas 20, 7186 Segnas; construcziun nova d'ina casa da pliras famiglias, parcella 404, Via Muschnas 6, 7186 Segnas.

Nr. 2021-1034.000

Johannes Maria Heinrich Demmer, Hospitalstrasse 1, D-42553 Velbert; engrondaziun dalla surfatscha da habitar digl edifices nr. 739 e nova pompa da calira cun sondas geotermicas, parcella 1102, Via Muot Selvaun 16, 7186 Segnas.

Nr. 2021-1048.000

Flurina Tschuor-Nay, Via Alpettas 16, 7180 Disentis/Mustér; construcziun nova d'ina puschinera ed ina platta da betun per in lidimer, parcella 1750, Faltscharidas Sut, 7180 Disentis/Mustér.

Nr. 2021-1083.000

Proprietad en condomini parc. 531, Via Alpsu 26, 7180 Disentis/Mustér; remplazzament dil scaldament entras ina nova pompa da calira d'aria, parcella 531 Via Alpsu 26, 7180 Disentis/Mustér.

Nr. 2021-3001.000

Strabag AG, Via Plaun da Diras 8, 7180 Disentis/Mustér; remplazzament dallas inscripziuns sigl edifices nr. 311A, nova bandiera alla Via Alpsu e novas inscripziuns alla Via Plaun da Diras, parcella 3028, Via Plaun da Diras, 7180 Disentis/Mustér.

Disentis/Mustér, ils 17 da december 2021

Uffeci da baghegiar Disentis/Mustér



Cussegl da vischnaunca

Cussegl da vischnaunca Adrian Deflorin niev president dil cussegl da vischnaunca pigl onn 2022

Venderdis, ils 10 da december 2021, ha giu liug ella halla Cons la noavla seduta dil cussegl da vischnaunca dalla perioda d'uffeci 2021/2024 e la davosa digl onn 2021. El center dalla seduta ei stau il project per la sanaziun e renovaziun digl uor dalla Val Acletta e l'elecziun dil niev tgamun dil cussegl da vischnaunca pigl onn 2022.

Il cussegl da vischnaunca ha sut l'egida dil president dil cussegl da vischnaunca Giusep Lozza approbau il project per la sanaziun e renovaziun digl uor dalla Val Acletta e concediu persunter in credit net da frs. 622 800.–. Motiv per la sanaziun ei l'intensitad dallas malauras dils davos onns che han caschunau donns considerabels vid ils stabiliments da protecziun ella Val Acletta. Ils cuosts totals per la realisaziun dil project muntan a frs. 1 730 000.–. La vischnaunca sa quintar cun contribuziuns cantunalas e federalas da frs. 1 107 200.–. Il conclus vegn tenor art. 32 lit. dalla constituziun communal suttemess alla votaziun all'urna dils 13 da fevrer 2022.

Plinavon ha il cussegl da vischnaunca priu enconuschientscha dil program da lavur 2022. Igl ei previu da salvar nov sedutas e da tractar in tshuppel fatschentas. Gl'onn proxim duein denter auter la revisiun totala dalla lescha davart l'economisaziun dils rufids, in concept dil traffic plaun ed il niev project dalla via forestala Val Segnas–Val Sogn Placi vegnir tractai. Plinavon duei vegnir entschiet cun la planisaziun dil project dalla sanaziun ed eventuala amplificaziun dalla serenera Raveras.

Il parlament communal ha en sia davosa tractanda d'uonn eligiù pigl onn 2022 sco **niev president dil cussegl da vischnaunca** il vicepresidente **Adrian Deflorin** e sco **nova vicepresidente Helga Probst-Linder**.

Las autoritads politicas dalla vischnaunca da Mustér engrazian al president partent Giusep Lozza cordialmein per siu grond engaschi e la buna collaboraziun duront igl onn 2021.

Suprastonza communal

Administraziun communal

Sur las fiastas da **Nadal** e **Daniev** resta l'administraziun communal **serrada** duront ils suandonts dis:

- **venderdis, ils 24 da december 2021**
- **gliendisdis, ils 27 da december 2021**
- **venderdis, ils 31 da december 2021**

Nus giavischein ina biala fiasta da Nadal ed in bien e sanadeivel onn 2022!

Administraziun communal Disentis/Mustér



Cordial e sincer «engraziel fetg»

«In plaid curteseivel cuosta nuot, mo tonaton eis el il pli bi da tuts schenghetgs»

El num dalla vischnaunca da Mustér engraziel jeu cordialmein a tuttas personas ch'ein s'engaschadas en ina ni l'otra fuorma pil beinstar communal. Persunalmein vi jeu engraziar grondamein per la confidonza demussada enviers mia persuna e la suprastonza communal. Nus s'engaschein cun tutta forza pil beinstar general e per in bien e prospereivel svilup communal. Per l'emperneivla collaboraziun cun ils divers purtaders da prestaziun, cun las instanzas politicas ed en special cun las collaboraturas ed ils collaboraturs che s'engaschan di per di per il beinstar general, in sincer Dieus paghi. Nus tuts havein plascher da s'engaschar per nossa vischnaunca e la regiun. Communablamein dumignein nus las sfidas che spetgan e fagein vegnir nossa vischnaunca e la regiun pass per pass pli attractiva.

Jeu giavischel a Vus tuts, preziadas vischinas, stimai vischins, da cor bialas e benedidas fiastas da Nadal e pigl onn niev bia cuntentientscha, speronza e cunzun buna sanadad.

En num dalla suprastonza communal

René Epp, president communal

Center da rimnada a Raveras – temps d'avertura sur Nadal e Daniev

Sur las fiastas da **Nadal e Daniev** resta il center da rimnada a Raveras serraus duront ils suandonts dis:

- **venderdis, ils 24 da december 2021**
- **sonda, ils 25 da december 2021**
- **venderdis, ils 31 da december 2021**
- **sonda, igl 1. da schaner 2022**

Ils ulteriurs dis ei il center aviarts sco usitau. Bien engraziament per l'enconuschientscha.

Uffeci da baghegiar ed infrastruttura

50 onns Pendicularas Mustér

Ella quarta ediziun dalla gasettina «Detg denter nus» ei vegniu publicau il datum **dils 18 da december 2021** per la fiasta da giubileum da 50 onns Pendicularas Mustér. Muort l'actuala situaziun davart il coronavirus sto quella fiasta deplorablamein vegnir spustada. La comunicaziun officiala dallas Pendicularas Mustér secloma:

«Am 24.12.1971 hatten die Bergbahnen Disentis ihren ersten Skitag. An diesem Tag wurden bei uns die ersten Gäste in die wunderbare Bergwelt von Disentis befördert. Dass es so weit gekommen ist, ist Herrn Heinz Capelle und Pius Condrau zu verdanken. Diese beiden Herren haben (so wird berichtet) bei einer Bergwanderung das Potenzial gesehen hier ein neues attraktives Skigebiet zu bauen. Gerne hätten wir am 18.12.2021 mit den Bewohnern und Wohnungsbesitzer in Disentis und Sedrun das 50-Jahr-Jubiläum gefeiert und auf ein halbes Jahrhundert angestossen. Leider hat uns Covid wieder einmal diese Möglichkeit genommen. Aber auch wenn wir bereits 50 Jahre auf diesen Anlass gewartet haben, wird uns dieser Virus das Feiern nicht unterbinden. Die Feier wird nachgeholt. Wir werden dann halt «50 Jahre Plus» feiern. Somit aufgeschoben ist nicht aufgehoben. Die Bergbahnen Disentis bedanken sich bei der Bevölkerung für die grossartige Zeit, welche sie in den letzten 50 Jahren geniessen konnte, und wir freuen uns auf weitere 50 Jahre... und vielleicht sogar mehr.»

Engraziel fetg a Vus tuts, bi Nadal e tut bien pil 2022.

Vossas Pendicularas Mustér



Nossa scola populara Mustér

Negina viseta dils Treis Sogns Retgs

Muort Covid-19 croda entschatta 2022 la viseta usitada dils Treis Sogns Retgs. Las reginas ed ils retgs selegnan gia ussa da puspei astgar visitar Vus entschatta 2023.

Da tut cor giavischein nus a Vus bialas e benedidas fiastas da Nadal ed in bien e saun 2022.
Sin bien seveser il schaner 2023!

Cordials salids Nossa scola populara Mustér

Acziun pacs da Nadal 2021

In cauld engaziament a tuts che han puspei gidau sin ina moda ni l'otra da schar tarlischar biaras fatschas che eran senza speranza. In tal pac munta in grond sustegn el criu unviern ell'Europa digl Ost. Nus havein astgau rimnar en tut 459 pacs.

Nus giavischein a tuts in benediu Nadal.

Ein grosses Dankeschön an alle, die in irgendeiner Weise dazu beigetragen haben, einen Hoffnungsschimmer ins Leben der Ärmsten Europas zu bringen. Gerade in der eisigen Winterzeit ist das eine grosse Unterstützung. Wir durften 459 Pakete weitergeben.

Wir wünschen allen gesegnete Weihnachten.

Team pacs da Nadal Surselva

Societad da musica Mustér

Concert da Nadal en baselgia S. Gions Sonda, ils 18-12-2021, allas 20.00.

Entrada libra, collecta. Entrada tenor reglas Covid-19.

Informaziuns actualas: www.musica-disentis.ch
